

مجموعه ابوالضیا

ماسوا شاه مستغن دلی تطهیرہ پالش
پرتو حکمت و عرفان ایله تئویرہ آتش

علوم و معارفدن بحث ایدرہ و هر ماء عرفی ابتداییه اون بشته نشر اولنور فنون غرتمسیدرہ

[نهمه سی ۳ فروش

فی ۱۵ محرم سنه ۱۲۹۸

نومرو ۹]

حاصلی رجل صالح ریشار خاتمہ کلام اولمق اوزره " سز معقوله
 قائل اولمق ایستهمز سه کز بر کون اولوب شأمتنی چکسه کز کر کدر. "
 دبعشدر . تمت

سعی

« احرث لذتیاك كافك تعیش ابدًا
 و احرث لا تخرنك كايك تموت غدا »

هم یارین ایچون موته حاضرلنق همده هیچ اولمیه جک کبی تحصیه
 چالشق بر یوک قاعده حکمندر که سعادت حالک اساسی انک حکمنه اتباعدن
 عبارتدر .

البته انسان دقیقه بدقیقه موته منتظر اولنجیه ذخیر آخرتی تدارکده
 قصور ایتز . لکن حیاته بر حد تصور ایتدیکی حالدهده بر کون آج قالمق
 مخاطره سنه دوشمش اولور . چونکه آدمه بر آن اولومدن امان اولمدیغی
 کبی حیات ایچون عمر طبیعی دخی بر حد معین دکلدز .

باخصوص که انسان فنا بولور، اما انسانیت، دنیا طور دقجه، باقیدر .
 بر کره دوشونهلم : دنیاده یکی طوغش چوجقندن عاجز برشی وارمیدر ؟
 بیچاره بو مختخانهیه بیک درلو احتیاج، بیک درلو استعداد ایله کلش، حال
 بو که ایکی ضعیف قولندن بشقه لوازمی تدارک آلت یوق ! هوا مر جتسز ؛
 برودت و رطوبته جانیه قصد ایدر . طوپراق خسیس، لازم اولان جواهر
 و انماری سینه حرصنده صاقلار .

ینه بویله ایکن، هر احتیاجنی استیفایه، هر استعدادنی اظهاره موفق
 اولور . بوکامدار اولان اسباب هب بزدن اول کلانلرک ثمره غبرتی
 دکلدز ؟

اولیه ایسه، اسلافه اولان دین تشکرمنی اخلافه ایضا ایتک لازم کلرمی ؟

حقیقت ! انسان فانی اولدیغی حالده، بته حیات ابدیه به مظهر اوله حق
کبی، چالشمیلیر . بوقسه هر کس سعینی مدت حیاتی نسبتیله تحدید ایلر .
سه، عمری دائمی اولان انسانیت فنا بولور .

دنیاک هر زه سنه کیدلسه، مشقتسزجه ناز و نغمه مستغرق اولمش
نیجه بک زاده لر کور یلیور .

و آنلرک حالته باقیلنجه، بختیار اولق بختیار طوغغه توقف ایدرمش،
بوللو حسرتلر چکیلور . باقهلم : عجبا بوتحسرتلر روامیدر ؟ عجبا او
ناز و نغمه کوردیکمز آدملر حاجه غبطه کشلردن اعلامیدر ؟

البته دکل . چونکه انسان ایچون بخت دینیلان شئیک حقیقی قدرتک
ذهنه قولنه احسان ایتدیگی خاصه لدن، بختیارلق ایسه او خاصه لک حسن
استغمالندن عبارتدر . هیچ برزونی متصرف اولی کتم عدمدن برابر
کتیرمامشدر . دنیاده مال اطلاق اولتور نه وار ایسه، اقدام ایله طو .
پلاتور، سعی ایله وجوده کلور . بو حالدن طولانی مضایقه به ثمره عطا
لت، ضرورته محصول سفاهت دیمک روادر .

باباری سفاهت و عظالتک بو مشقتلریله برابر آرزویه دکر برزوقی
اولسه !!!...

عطالت ایچنده سفاهت، مزارستانه قورلمش بر مجلس عشرت کییدر .
اکا ملازمت ایدنلر جسمانی هر درلو مضرتنه اوغرارلر . فقط نشاطه
بدل حزنلر بشقه روحانی بر تأثیرینی بوله مرلر .
اوت، عطالت موتک کوچک قرداشی، سفاهت حیاتک بیوک دشمنیدر .
عطالت انسانک وجودینه صارلمش بر ییلانه بکزر، سفاهت ایسه او
ییلانک الواتنده اولان زینت قیلمندندر .

بویله بر قید ایچنده طور مقده، و بویله بر زینتله اکلمکده نه صفا تصور
اولنه یلسون ؟

بر عاقل دها شبانده اختیارلر، چونکه ایشسنر کچن زمانک دقیقه سی

ستاعدن اوزوندر . بر سقیه نه قدر یشاسه ، دها عمرینه طویعه دن دنیادن کیدر ، چونکه لهویات ایچنده کچن وقتک ساعتی دقیقه دن قیصه در .
 ز نیجه میراث بدی بیلیرز ، که اوزاقدن حالته باقلسه ، حظوظاته مستغرق ظن اولنور . حال بوکه او بیچاره بتون عمرینی بر اکلنجه بولغه حصر ایدرده ، ینه لنایدن طلمک بریله خشنود اوله مز . هر نه ذوق ابله مألوف اولمق استسه ، قدحی الله آلیز آلمز یوزینی بورشدیرمغه باشلایان عیاشلر کبی دها مبدأ نلنذده کوکلی استکراهدن خالی دکلدن .
 « امکسن اکلنجه طوزسنز طعامه بکزر . » انسان کنندی سعیله یشاملیدر ، که زماننک قیمتی بیلسون ، حیاتنک لذتی طویسون . بز اوآدمه فصل بختیار دبرز ، که هم هر کون عمر گذشته سنه تأسف ایدر طورر ، هم ینه ایام حیات بجز ؛ توکنز بر مدت مجازات ایمش ، کبی وقتی کچیرمکه چا .
 لیشور ؟! . سعینک پرورده ده سی اولان بر آدم ایسه ، هیچ اکلنجه آرامغه محتاج اولمز ، چونکه اکلنجه ده ایش بولمز ، اما ای شده اکلنجه موجوددر . هله وقت کچیرمکی اصلاً دوشمنز : زیرا دریغ که وقت کنندی کننینه کچر کیدر . بوقسه آنک گذراننی تسریعه چالشمق بر عافلک کاری دکلدن .
 « الله کاسبلری سور . »

شو سببله ، که مخلوق ممنازی اولان انسانک حیاتی ، راحتی کسب ابله در . شبهه یوق ، آدم بر کون البسه فوت اولور ، لکن دنیایه اولمک ایچون کلامشدر . اگر اولمک ایچون کلش اولسیدی ، قضا هر کسی رحم مادر دن مرزا عده دوشورردی . شبهه یوق ، انسان هر منزلته تحمل ایدر ، لکن مذلت ایچون یر ادلماشدر . اگر مذلت ایچون یر ادلش اولسیدی ، قوه فاطر عبث یره هیمزه چالشمق استعدادینی ویرمزدی . دیرلر که : « بوقیصه جق عمر ایچنده نه پایله بیلیر ؟ » واقعا زمانی ابدیته نسبت ایدر سهک ، نه قدر اوزون اولسه ، لمحّه بصر کبی قالیر . آنجق بزم حالزه قیاس اولنجه ، وقتیز - حسن استعمال اولنور سه - یشامق ایچون کافیدر . بوقدر جق بر

مدت حیات ایچنده در که ابنای جنسمزدن بر طاقم اصحاب سعی عالم انسانیته
- تا قیامت باقی اوله جق - نیجه اثری یادکار ایتشدر .

« عیش و نوش ایله بوگون، ایتمه غم فردایی
سکا اصمارلدیلر می بو ییلان دنیایی »

قولنه اعتبار ایدرمیسک ؟ یاسن یارینی دوشونمزسهک، یارین سنی کیم
دوشوننه جک ؟ طونهلم، که دنیایی سکا اصمارلدیلر، سن کمدینی کیمه
اصمارلدک، که عمرینی عیش و نوش ایله کچیره جکسک ؟

اطرافزه باقملم، ذهمنزه مراجعت ایدلم، مشهوداتمزده، محفوظاتمزده
هرنه بولور سهق، جله سنی یارینی دوشونانلرک آتاریدر. بالکن حال ایله مشغول
اولان عمر زه ب زمانک عمان غیر متناهیسی ایچنده محو اولوب کمتشدر، ینده ده
محو اولور کیدر .

اگر استرسهک، که برکونک برکونکدن اعلا اولسون، بوکونک
محصولدن بارینه بر سرمایه نقل ایتمک چالیش . « بوکونکی واریمی بولان
بن دکلم ؟ یارین نیچون بوله میبیم ؟ » دیه جک قدر آفات عالمدن امین
اولانلر - اشرفیت انسانیته زده قالور - حس مشترک آتارندن اولان
احتیاطده بیله قرنجهدن دون بر صافدل حیوان اولدقلرینی اعتراف ایتمک
لازم کلور .

مستقبلده کی حالی امنیت آلتنه آلمق ایکی قرانوب بریمکله اولور .
زمان آلتوندر دیرز، فقط اوده وقتک قیمتی لابقیله تقدیر ایتمک
دکلدیر . بر دقیقه ده بوز یک آلتون قرانیله ییلور، لکن بوز ملیون آلتون
انسانه بر دقیقه بی قراندره مز . حال بویله ایکن نه اغریدر، که بته وقتنی
غائب ایتمک ایچون بوز زجه، بیکلرجه آلتون صرف ایدنلرده بولنور !!
زمان سرمایه معیشت، سعی منبع حیاتدر . آدم زمان سایه سنده
کچینور، سعی ایله یشار . بو حالده زمانی سعه صرف ایتیبوده، معطل

طورنار ایچون طوپراغک آلتیله اوستنده نه فرق اوله یلور ؟ راحت
دوشکی بر یوزینه چیقش مزار دکده نه در ؟

ایزال ماعیده قصور ایغه، که اولش

وابسته بوعالده سکوته حرکاته

موتا یاقیشور - وارایسه - راحت دوشکنده

اقدام و تحمل کرک ارباب حیاته

بزه قلندرانه براعتقاد واردر، که هر نه پیارسه الله پیار. امکله، سعیلر،
هپ بیهوده در دیرلر .

آمناء، هر حال ایچون فاعل حقیقی جناب حقدر، لکن بونیکله سعیدن
ال چکمن، رزاق کریمی کندینه خدمتکار ظن اینک قیلندن اولور .

لیس للانسان الا ماعی

کوکن مانده اینک بر معجزه ایدی، کجیدی . بز اسبابنه تشبث ایتلی -
بز، که اللهده تأثیرینی خلق ایلسون .

اگر هر کس چالش مقدن ال چکسیدی، دنیاده موتدن بشقه کیم
قالوردی ؟

اگر هر کس الله کجی تلف ایتسیدی، عالمک عدمدن نه فرق
بولوردی ؟

بزه یلورز . انسان بر عائله سز کچن زمانلرینی دوشنور، برده
نتیجه سی معلوم اولان استقباله نظر ایدرسه بو « یلان دنیا » بی خواب
وخیال نوعندن کوربر، لکن بر کرده اوزرینه ضرورت چوکش بر
فلا کترده به صورلسون، که حیات دیدیکمز نه دهشتلی بر حقیقت ایش !
« خسیس میرانجینک خزینه داریدر » دیمشیر، اوبله در، شوقدر
وار، که تنبلارده عالمک دیلنجیسی، سفهلرده شونک بونک ارغادیدر، دینلسه
یلان اولمز .

قدرتک وارایسه، حالی دائما صفا ایله کچیر فقط چالش، که استقباله

اونشئمنك خجارینی چكیه سن . بوكون یاری آج طور مق یارین نامرده
محتاج اوله دن خیرلندر .

ممکن اولور سه بتون عمر کده ذوقنی ترك ایتنه . انجق دوشون، که
اولاد که براقه جفک میراث پکمشه تأسفدن عبارت اولسون، موجودینی
اتلاف ایدوبده، طاله سنی آج براقاندر، یاوریلرینی بیان کدیدن پکده اهون
شیر دکلدن .

واقعا بویولده اولان سوزل نذله تکلیف خدمت، و سسفه حسن
نصیحت کبی تعجیر نو عنندن کلور .

فقط عقلی اولان شوندن احتراز ایتلندر، که قول پرینه فعلیات افسانی
تنصحه مجبور ایتسون، آجی سوز فلکک سله، سندن اهوندن .

« طیب یدای والطیب مریض »
کمال

ملاحظه

کمال بک شو مقاله سیله فرانقلنک طریق معاشی بیننده اولان فرق آق
دکرله قاره دکری سرای بورنی آچیق لرنده برندن آیران رنک اختلافه بکر .
فرانقلنک اثری واقعا بزه نسبتله شرق آثار نندنر؛ فقط بزم عندمزده
افکار غریبه ایله مشهور اولان - آچیق کورینور - قپالی قپالی حکمتلر،
- و سطحی تصور اولنور - درین درین مطالعه لاله مملودر . کمال بک
مقاله سی ایله - شرقه مخصوص عد اولنان خیالات شاعرانه تک - غریبه
مخصوص ظن اولنان - افکار حکیمانه ایله امتزاجندن عبارت کورینور .
بومقایسه دن آکلادیغزه کوره بزه چالبشیر سهق اوروپا لیر کبی ردی
قابل اوله میه جق درجه لده صحیح، و کوللری متعجب ایده جک مرتبه ده
کوزل شیر یازه بیله جکر؛ حتی او یازدیغمز شیرده شرقک تخیلات شا -
عرانه سنی بیله - منطقک مساعدده ایده بیله جکی درجه ده - استعمال ایتکه
موفق اوله جغز .